

惠氏讀說文記

惠氏讀說文記

第七

日

昴 晨也从日在甲上

易解卦云有攸往夙吉虞翻曰夙早也离爲日
爲甲日出甲上故早也

昐 尚冥也

幽通賦曰昐昕寤而仰思兮

暉 光也

暉字俗後人所增暉與暈同不訓爲光

厠 日在西方時側也易曰日厠之離

厠側同物

轡 讀若新城絲中

漢書皆作轡中

晦 不明也

漢書多以晦爲暗

昴 从日卯聲

昴音留昴爲西方之宿从卯不从卯

暈

附

呂覽曰日有暈珥高誘云暈讀如君國子民之君氣圍繞日周市有似軍營相圍守故曰暈也淮南子曰晝隨灰而月運闕高誘曰運者軍也將有軍事相圍守則月運出也說文無暈字古皆借用運讀若君

晬

附

初生一歲爲晬

从
讀若偃

於古偃字

旒 旒或从遺

遂與遺古字通故或从遂或从遺辨見詩攷

旒 建大木置石其上發機追敵也春秋傳曰旒動而

鼓詩曰其旒如林

馬融廣成頌曰旒旒摻其如林蓋用三家詩爲

義今毛詩作會當讀作旒也左傳旒動而鼓賈

逵以旒爲發石一曰飛石引范蠡兵法作飛石

之事證之許君師賈侍中故从其說杜元凱以

旛爲旃謂今大將之麾與賈氏異

施 旗兒

史記巫馬施字子旗

表 古文旅古文以爲魯衛之魯

表魯同物史記云周公既得嘉禾魯天子之命
今書序魯作旅知同物也史記襲古文誤以表
爲魯也

冥 从日从六，聲十六日而月始虧幽也

冥讀爲緜十六日而尊退辛消丙入坤冥之象

也

晶

星

星或省

艮爲星星主人

屾

屾新以从三日太盛改爲三田

屾新者大司空甄豐所改古文也

有

不宜有也从月又聲

春秋釋例曰劉歆賈逵許淑因有年大有年之經有鳩鴒來巢書所無之傳以爲經諸言有皆

不宜有之詞許君从賈逵受學故用其說

古文尚書以有爲又以或以爲有故許君釋有爲
又聲孔君訓或爲有也石鼓文曰滿滿又鯨詛
楚文曰又奉嗣王皆以又爲有

夕

夤 易曰夕惕若夤

此古文易說文兩引乾九三一作厲一作夤从
夤爲正一作厲者後人亂之也

夤 鉉曰俗書作夤譌

馭氏令鄭君碑文夙夜在公漢時夙字猶循于古

多

詩詵詵兮釋文云詵說文作彜音同衆多也查多辛兩部皆无彜字則說文非全書矣

弓

粵 商書若顛木之有粵楫

賈侍中達未重之師也所引尚書乃孔氏真古文僞孔氏亂經與王弼皆孔門學人

鹵

藥

古文栗徐巡說云云

石鼓文桌字从此

後漢書杜林列傳沛南徐巡始師事宏後皆更受林學

鼎

鼎

魯詩說鼎小鼎

說苑引詩自堂徂基自羊徂牛言自內及外以小及大也魯詩說鼎鼎及鼎鼎大鼎小劉向傳

魯詩故訓誼同

鼎 以木橫貫鼎耳而舉之从鼎一聲

以木貫鼎不从一覆也此注定係後人所增

非許氏之說也

亨 有也苦得切

仁以為己任謂之亨論語曰亨已復禮左氏以

為古志之語故夫子申之曰為仁由己後儒王

肅劉炫以亨為勝以己為私以亨已為戰勝殊

背于理詳見禮說

禾 二月始生八月而孰得時之中故謂之禾

稷 說文云中和也易之二五爲中和中與和同詎
種穧也

字林曰稠穧也

秒 禾芒也

秒淮南子作稟高誘音貓云禾采粟孚甲之芒
也采古穗字

秩 从禾失聲

郭喬卿曰于字禾失爲秩見後漢書蔡茂傳

稌 禾若秧穰也

穌字下把取禾若也若字似不譌其義未詳

稌 一莖六穗

索隱引說文云嘉禾一名導字林云禾一莖六穗調之導辨見顏氏家訓

糲 虛無食也

俗作荒

稱 律數十二秒而當一分

淮南子曰秌分釁定蕤定而禾孰律之數十二

故十二莢而當一粟十二粟而當一寸

程品也

程品之語出于漢律

穩附

古無穩字惟梵書作隱

秣稀疏適也讀若歷

地官遂師及寔抱曆注云曆者適歷執縛者名也疏云天子千人分布六縛之上分布稀疏得所名爲歷執縛之人背碑負引卻行遂師抱持

役名之版巡行校錄以知在否稀疏適謂之秝
故云適歷依字當作秝

黍 孔子曰黍可爲酒禾入水也

聲 索引孔子之言亦解黍字之文也 云禾入水

从禾从入从水可知

黏 履黏也

履黏甚新玉篇云黏亦作黎

香

馥附

韓詩韻芳孝祀

米 菜

士喪禮注云古文祕作菜釋文音祕菜卽菜讀
若費

釋

漬米也

詩云釋之叟叟俗作釋

菜

春秋傳曰蔡蔡叔玉篇以蔡爲古蔡字孔穎達

爲傳寫之誤

粕附

莊子作魄

臼 古者掘地爲臼

當作闕地

杝 杝之爲言微也

春秋說題詞曰麻之爲言微也知杝與麻同玉篇杝與麻同杝亦作散

未

菽 豉俗菽从豆配鹽幽未也

禮部韻畧用其語宋人以爲新異紛紛解說而不得其誼見齊東野語不讀書古今通病奚獨今日乎

非 糝

列子二卷云糝其所患

六

宣 室之東南隅

讀說文記 第七

𡗗尔疋作𡗗陸氏引說文云深見本或作𡗗

盥 人之飲食器所以安人

今混作寧非

寔

从山是聲

常隻切

古音是春秋寔來公羊云是人來也

宗

方言宗安靜也江湘九嶷之郊謂之宗

宐

宐从宀宀聲故音近俄

害

曹憲曰害卽寤字廣疋曰覺也

害

言从家起

易家人言有物則不害矣

索

與索同

寔

附

古縣字

索

附

尚書疇咨若予采馬融云采官也是采卽僚采
之誼不必別作采字

宮

營 市居也

當作市居也

營 篆文呂

方言營儋也燕之外郊越之丞甌吳之外鄙謂
之營又云營力也宋表曰營

穴

賈 从穴瀆省聲

古四瀆字亦作賈見鄭氏周禮注則賈瀆同物

同音

窟 坎中小坎一曰旁入也

易釋文引云坎中更有坎字林引與今說文同

突

易去如其來如玉弼改作突後人遂不識字矣

瘡

癘 瘡文瘡

周禮六瘕一日瘕瘕

瘕 瞑言也

瘕中語謂之瘕俗作瘕非

瘕 臥驚也

俗以睡一覺爲一瘕非也

疝 腹中急也

吳語疝腸俗作絞

瘕

癢以發得聲明發有癢音

痒
瘍也

痒俗作癢此訓瘍虫部蚌注云搔蚌也似卽俗
癢字

瘍
一曰蝕創

蝕創敗創也从虫入食

疔
小腹病

疔俗作疔吕氏春秋俗本誤爲府此疔字見下
解俯病與疔别韓詩小弁曰怒焉如疔

痾

母氏痾勞

痾

一曰族桑臣鉉曰今作痾蠡非

桑依陸德明釋文引作痾云痾瘰皮肥也今本
无之疑缺落

瘰

熱寒休作

寒休則熱作故云熱寒休作孔穎達春秋正誼
引說文云瘰熱寒并作宋本正誼仍作休知并
字非也

核 二日一發瘡

齊侯疥遂疔梁武改疥爲核誤矣豈當時未改
說文耶

癰 籀文癰从允

今毛詩从籀文

痲 籀文痲从皮

玉篇作痲卽籀文痲

癩

服虔曰癩音癩引之癩

瘡

漢書皆以瘡爲愈

癡

方言癡駭也

冼

冼積也

冼古聚字字林干句反冼古最字俗誤爲冼玉
篇于冼部遂去冼字失之遠矣

冼

同 臣鉉曰同爵名也李陽冰曰从口非是

同爲爵名此鄭康成之說虞仲翔已舉其誤李陽冰得之

网

罪 秦以罪爲辜字

當見趙高所作爰歷中

巾

常 下帛也

常古裳字楚囊瓦字子常

倏 讀若末殺之殺

谷永傳末殺災異師古曰末殺埽滅也

無

郭璞引詩遂憮大東

飾 一曰祿飾

祿飾見漢書外戚傳

帝 古者少康初作箕帚秫酒少康杜康也葬長垣

何以解憂唯有杜康以其作秫酒也 長垣屬

陳留

帑 金幣所藏也

古皆以帑爲妻孥字此字後人所加漢巴郡太守張納碑始以帑爲帑藏字

幟 附

顏師古曰史家幟或作識或作志音義皆同

市

分勿切

秦時徐市一作福音之譌或爲市井之市尤譌

衿 司農曰裳纁色

司農未知先鄭司農否說文所引僅見此條

帛

錦 襄色

徐鍇曰襄雜色也

褻

粉 粉畫粉也衛宏說

衛次仲傳古文尚書此古文尚書說也

讀說文記第七

惠氏讀說文記

第八

人

保 古文保

左傳莊六年經齊人來歸衛俘注云公羊穀梁
經傳皆言衛寶正誼曰案說文保从人采省聲
古文保不省然則古字通用寶或作保字與俘
相似故誤作俘耳

仁 親也从人从二

仁者人也相人偶親之也春秋元命包曰仁者情志好生愛人故其爲人以其立字二人爲仁

𠂔 古文企从足

廣疋曰𠂔立也曹憲曰卽古文企字

𠂔

𠂔字部注云𠂔古文𠂔字

𠂔

方言征𠂔是遠也

倂 讀若汝南潯水虞書曰方鳩倂功

說文水部無潯字方鳩本作旁救蔡邕石經皆以救爲求

倂 周禮曰句兵欲無倂

今周禮作彈非

倂 武克詩曰瑟兮倂兮

荀子塞者俄且通也陋者俄且倂也愚者俄且智也通與塞智與愚倂與陋皆相反則倂者文雅克非武也此似失之俗訓後人所加

佛 見不審也

李善引云視不諛也諛與諦通

饑 明堂月令歲將饑終

明堂月令卽今月令也禮記去明堂二字後人遂不知月令之行于明堂矣

健 飲也

方言宋楚之間謂之健

倅 立也讀若樹

玉篇云今作樹

假 場也

玉篇引左傳禹假善人今作稱

假 妙也

假玉篇作微引書側微賤也此訓爲妙周官詔

王假

假 非真也一曰至也

古格字皆作假故訓至真假之說始于王莽劉歆說書以古文嘉禾假王游政爲假僞字莽從其說遂有假皇帝之名其後竟卽真爲天子歆

之顛倒五經類如此許氏訓假爲非真亦劉氏之說不可從也當依古訓爲至

聲

案史記淮陰侯列傳信平齊使人言漢王願爲

假王便漢王罵曰大丈夫定諸侯卽爲真王耳何以假爲則假之爲非真其來已久又案段字下訓借故以假爲非真

仔克也

仔訓克克訓肩論語克己誼並同

伸屈伸

古屈伸字俱作𠂔信

𠂔

古𠂔與擬通見漢書

𠂔

春秋國語曰𠂔飯不及一食

一食者壺飧之誤

僻

避也

邪僻之僻古只作辟

佚

佚民也

論語逸民當作佚漢尚書石經逸作佚

侮 古文侮

漢書五行志云慢侮之心生多以侮爲侮

但 裼也

古袒字

僂

莊子達生云聚僂之中婁與桺通

侏 奇也

玉篇引論語侏六尺之孤俗誤作託

弔 从人持弓

俗省作弔非

倜

附

一音朱與侏同大也太元物咸倜倡

儻

附

周禮屬責不从人先鄭如字讀後鄭讀爲儻明
責有兩音

匕

疑 未定也

疑卽疑字亦作唉古文矣

化

古貨字作化書賈遷有無化居誼作貨 集韻
引說文云化作佶亦姓案今本說文無佶字揚
子太元闕之上九曰陰陽起佶其變赤白似本
有此字爲後人削去溫公類篇亦引說文似本
集韻

匕

匕目爲𠄎匕目爲眞

𠄎俗作良當云目匕爲𠄎匕目爲眞

从

辵

一作似俗作從

辨

俗作辨

比

二人爲从反从爲比

易象傳曰比下順从也今言反从爲比則易比卦不作比

正

呢

呢今俗作泥尔正水潦所止呢正或省作尼故
孔子字仲尼

从
郭忠恕云三蒼用呢作尼正之正顏之推亦云
衆立也讀若欽峯

春秋傳曰衛人立晉衆也 欽峯卽二級

𩇛

𩇛與𩇛通古文作𩇛禹貢淮夷蠙珠𩇛魚今文
作𩇛皆訓及郭忠恕作𩇛

王徵

行於微而文達者卽徵之

越語曰天道皇皇日月以爲常明者以爲法微者則是行苟子曰行微如日月忠誠盛于內賁于外形于四海所謂行于微而文達者也

身

歸也从反身

歸依之依當作身

殷

殷有身音若衣身有尸音若虜

衣般古通愚謂般字當入殳部从殳身聲則得古音矣

衣

褻 丹縠衣

褻俗作展與襜通展衣丹縠本毛傳康成以爲色白

褕

从衣俞聲

羊朱切

翟羽飾衣當音搖

衫

元服

衿元見士冠禮古文儀禮及古文春秋左氏傳
皆作均均同也漢時有約元郊祀之服也

髮

春秋傳曰髮以元纁注髮薦也

衿

漢石經毛詩子衿之衿作衿字

襍

南楚謂禪衣曰襍

本方言

袪

一曰袪裏也裏者裏也

本倉頡篇裏裏也

裏

方言有裏者趙魏之間謂之左衣

紵

諸紵也

東觀記云諸紵繡屈前書音義曰諸紵大掖衣也如婦人之袷衣玉篇紵九夫切

襜

縗也詩曰載衣之襜

地讀爲易襜讀爲適

音的

襜

尔疋曰襜襜襜鉉曰尔疋無此語

尔疋僂僂洄洄愔也陸德明曰郭音義云本或作襴音韋案字林襴重衣兒徐氏以爲尔疋無此語未之攷也

褻 漢令解衣耕謂之褻

太公碑云周志曰文王夢天帝服元襪以立于令狐之津董道曰說文無襪字惟褻字引漢令云云而衛宏字說與郭昭卿字指有之知許氏所遺古文多矣

襍 飾也

史游云襍飾刻畫無等双

祿 詩曰靜女其祿

女部媿字下云好也詩曰靜女其媿此三家詩也毛詩作姝

程

方言无袍者謂之程衣

褚 一曰製衣

春秋傳曰衣製

禘 从衣弔讀若雕

匪風詩弔與飄叶此古音之僅存者

老

藁

从老从蒿省

今作藁

耇

久也

俗作壽

尸

居 蹲也从尸古者居从尸古臣鉉曰言法古也

踞 俗居从足

古居作尻俗居作踞踞蹲踞也古作居今以爲羣居之居古倨傲字皆作居見漢書箕踞之踞亦作居居處字乃作尻見孝經古文徐鉉解非是下云俗居从足明居爲古踞字

肩

書云大淫肩有辭

髻

尻或从骨殿聲

俗作髻

屨

柔皮也

玉篇反或爲奕

屨 遲也

玉篇屨作栖

屋 臺古文屋

古握持字从此見淮南子

屨附數也今婁字本是屨空字

詩曰君子屨盟又曰綏萬邦屨豐年而說文無屨字婁字在女部注云空也从母中女空意也徐氏訓爲數似非古訓當从說文

尺 周制寸尺咫尋常仞諸度量皆以人之體爲法
布指知寸布手知尺舒肘作尋之類

尾 微也

尾與微通故訓爲微尚書鳥獸孳尾史記作字
微論語有微生晦莊子作尾生易初爲微又爲
尾古人尾微同物

屈 無尾也

韓非子曰鳥有翩翩者重首而屈尾屈省作
屈

舟

方言舟自關而西謂之船自關而東謂之舟
毛詩曾不容刀箋云小船曰刀陸氏釋文及孔
氏正誼皆云說文作舩今說文無舩字則知今
之說文不無闕陋矣

舩

俗作舩祭也

舩

舩也漢律名船方長爲舩舩一曰舟尾

方言舟後曰舩舩制水也

臚舳亦作臚睦漢桂陽太守周憬功勛銘敘曲
江六瀧之險云其下注也若奔車失轡狂牛无
縻臚睦不相知及府君排治湍梗人得利乃紀
其勲云睦老唱兮臚人歌蓋臚爲船頭睦爲船
尾睦老猶今之舵師

舳

船行不安也讀若兀

舳與佻通方言譌謂之佻佻不安也注云吾敦
反船動搖之皃亦作扞

般

讀若孽

子紅切

案葦菜莖也从艸宰聲似艘卽屈字不當如徐音

舩用也

舩俗作服凡从舟者省作月

航方

章懷注云航舟度方言舟或謂之航杜篤論都賦云造舟于渭北航往流今譌作杭者非

无

簪 俗无从竹从簪

士喪禮无裳于鄭注云无連也今易經有簪字
當作哉辨見易攷

覓 頌儀也

頌與容古字通

覓 冕也

覓 或覓字

覓卽弁字古文論語云有衣裳者於論語作纒
纒卽冕字見大戴禮今論語作冕

見

覘

察視也讀若鎌

今作廉

覘

擇也

玉篇引詩左右覘之今作笔

覘

蔽不相見也

俗作覘

欠

歟

玉篇出曰歎入曰哈卽呼字

歎 笑不壞顏曰歎

聲案論語夫子哂之當作歎 歎俗作矧曲禮笑

不至矧當从此鄭氏曰齒本曰矧未詳說文齒

本曰斷

歎 歎歎也

才六切

卽諄蹇二字

玉篇歎葛蒲菹也一音俎敢切

歎 人相笑相歎瘡

後漢書注引作歔歔曰手相笑也歔音踰或音
由王霸傳作邪揄語有輕重耳此部無歔字疑
不全且爲後人所亂又瘡病瘳也注亦誤

𤑔

戲笑兒

家人歔歔婦子𤑔𤑔

漱

欲飲也

俗作渴渴爲竭或字

歎

讀若叫呼之叫

叫呼見淮南子漢時語

櫛 盡酒也

今作醕

歆 春秋傳曰歆而忘

服氏左傳解義文同杜氏本而作如古字通也

欲 从欠合聲

太元上欲下欲出入九虛叶作平聲讀

吹 詩曰吹求厥寧

吹古聿字

飲 飲也

俗作飲玉篇入食部从俗也

亮

事有不善言涼也尔疋涼薄也臣鉉曰隸書作亮
涼今作涼非亮也直亮非不善之言廣疋曰涼
禱也曹憲曰音良世人作涼薄之涼水旁者涼
失之矣禱卽薄汗簡亦云古尔疋涼作涼

聲案今俗書作亮者本當作諒與涼不同

惠氏讀說文記

第九

頁

頰甫越切見玉篇引說文古髮字此頁部無頰字

額 籀文頰

頰與容同籀文作額猶存古意

頰 籀文頰

丁鼎同誼漢書丁季又曰普烱鼎盛

顛

類篇面首俱圓謂之顛一曰面結也

顛

讀若魁

苦骨切

釋文云口忽反魁聲之轉

願

方言願欲恩也

頑

榲頭也

木部注云榲椀木未析也椀榲木薪也然則頑

榲木頭矣

頰 內頰水中也

頰今作沒頰非沒也吳語

順 理也

易順性命之理

頰 詩所謂頰首

頰首疑卽螭首

頰 从頁皮聲

滂禾切

言部注云說辨論也古文以爲頰字 古頰字

讀若皮與義協

頤 繫頭媪也

胎敗爲媪繫頭謂頭繫无知也

顛 選具也

玉篇顛或爲僎古文作選 易尊卦从此

百

脗 面和也讀若柔

玉篇脗今作柔

面

頤 頰也

輔亦作輔

具

縣 繫也臣鉉曰此縣挂之縣借爲州縣之縣

廣韻曰縣古作寰而說文無寰字似寰卽縣然
謂楚莊王滅陳爲縣縣名自此始曷爲周禮作
縣不作寰以改寰爲縣始于楚莊又何據也

文

斐 易曰君子豹變其文斐也从文非聲

文斐今易作文蔚音相近

辨 駁文也

俗作斑非

髟 徐音必彫切又所銜切

字林音方周反顏籀是之見匡謬正俗

髻 簪結也

廣疋曰髻髻也曹憲曰案說文卽籀文髻字今

不載爲籀文未詳

聲案士冠禮將冠者采衣髻鄭注云古文髻爲結

今本儀禮作紒非

誓附

卽彘字此重出

卮 一名觥

古作觥觥小觥也

卪 守國者用玉卪云云

周官山國土國澤國國皆作邦似邦國古通用

漢祖諱邦亦或作國

邶 虞書曰邶成五服

今作弼

印

扃

扃俗从手按也

扃俗作抑案古抑作億見禮記注俗作扃非古也

辟

辭

治也从辟从井周書曰我之不辭

古文尚書不作避解尚書止諄引作法井法也故从井

夕

句 聚也讀若鳩

今作鳩

紉 帀徧也

或作周游

匱 重也

今作復

包 元氣起于子裏妊于巳巳爲子十月而生男起巳

至寅女起巳至申故男年始寅女年始申也

元氣乾元也律歷志曰人生自寅成于申甲寅

庚申也王逸曰寅爲陽正故男始生而立于寅
庚爲陰正故女始生而立于庚

苟 自急救也从辛从包省

儀禮苟敬似从此

鬼

魘 神也

山海經曰魘武羅司之郭璞曰魘卽神字

魘 老精物也或从未作魘

周禮魘从此

厶

俗作私非是

篡
竝而奪取曰篡

法言問明日鴻飛冥冥弋人何篡焉宋衷曰篡
取也

鬼

魏
臣鉉曰今人省山以爲魏國之魏

張有曰世俗从山者爲魏不从山者爲魏非也
其實二字皆當从山蓋一字而兩音耳說文所

無手可斷字不可易有作復古編二卷專辨俗體之訛愚謂魏可省委不可省山省山便不成字

山

驩 山在蜀渝氏西徼外

今譌爲岷

岷 山也或曰弱水之所出

聲 謂弱當加水旁作溺

場 一曰岨 缺

嶠當作嶠

嶠 嶠也臣鉉曰俗作嶠非

爭與青通故靖共字亦作嶠 方言嶠高也

嶠 焦嶠山高貌

方言嶠高也

崇 鬼高也

崇充也鬼高俗訓

廛 廛

方言廛度居也東齊海岱之間或曰度或曰廛
或曰踐

廛

今譌斥

慶

附地名

慶亭見三國吳志

廛

廛

瓜出泉也讀若軌

與尔疋異

厥 發石也

漢律有厥張士厥發石也張挽強也漢書作蹶

廢 廢諸治玉石也

淮南說山曰玉待礲諸而成器高誘曰礲諸治玉之石音藍一讀曰廉廉當作廢

庠

漁洋有庠奚縣

非 从仄非聲

沈重曰非許慎凡非反

危

敝

敝隘也

敝今作欹敝隘俗作崎嶇皆非

石

磧

石次玉者

漢書子虛賦磧石武夫張揖云皆石之次玉者

磬

樂石也

秦嶧山石刻云刻此樂石謂磬也

磴

古文磬从巛

子擊磬於衛何夷曰鄙哉磳磳與上文意合

磬 周禮有砮族氏

先鄭注云砮讀若擿後鄭云砮古字从石折聲

磳附

蔡邕公羊石經作石磳

長 从兀从匕匕者倒亾也

邁象傳曰勿用取女不可與長也邁陰消之卦
陰消陽則亾亾者長之反故云倒亾也 倒亾
爲長

彌

方言彌縫也今譌爲彌

而

衫

罪不至髡也

耐

或从寸諸法度字从寸

漢書注應劭曰輕罪不至于髡完其衫鬢故曰耐古衫字从彡髮膚之意也杜林以爲法度之字當从寸後改如是如淳曰耐猶在也在其事也師古曰依應氏之說衫當音而如氏之解則

音乃代反其誼亦兩通形謂頰旁毛也三毛髮
兒也而功臣侯表宣因侯通形爲鬼薪則應氏
之說長矣

豕 世誤以豕爲彘以彘爲豕何以明之爲豚豕从豕
彘从彘皆取其聲以是明之

當作以豕爲豕以豕爲豕何以明之爲豚豕从
豕彘从豕

方言猪北燕朝鮮之間謂之豕九關東西或謂
之彘或謂之豕南楚謂之豕其子或謂之豚或

謂之穉吳揚之間謂之豬子

穉

羝豕也

穉

穉也

尔疋注云俗呼小穉猪爲穉子似非羝豕也蓋

豕之幼者歟

穉

春秋傳曰生菽及穉

菽卽澆也

穉

穉

蝟或从虫

俗作彙

彙

彙全也周禮全爲肆肆卽古文彙也易之彖字
當从彖彖者卦之全體分之成者

按易有彖傳當从彙省古文作彙全爲彙析爲
彖彖古文作肴遠取諸物也且部云彖彖走也
與易彖字无涉易彖詞之彖當作彖从彙省古
文彙也全爲彙析爲肴今彙省作彖肴省作彖
後人遂不識彖彖之誼古學之亾不始魏晉其

來久矣吾誰與定之爲之三歎

且

豕

豕走也

豕訓豕走則非易傳之豕明矣

豨

方言豨關西謂之豨

豨

古豨與豨異文異音俗廢豨作豨而以豨代豨

獾 聲 獾字當从𪔐省聲 𪔐即涸字 水部云涸讀若
狐 𪔐之𪔐涸亦从水 鹵舟

獾

方言獾關西謂之獾

貓附

虎部云虎竊毛爲貌 苗苗字不从豸 此字不必
附

𪔐 古文兕

玉篇作𪔐 俗作兕

易 祕書說曰日月爲易

周易參同契曰日月爲易剛柔相當虞翻注云
易字从日下月參同契易緯篇名猶孝經援神
契也所謂祕書者參同契也

讀說文記第九